

Deinde surgit Electus, et una cum Assistentibus coram Pontifice genuflectit; et prior Assistentium dicit Pontifici :

ADEST, reverendissime Pater, Eléctus monastérii **N.** quem ad vestram reverendissimam Paternitatem ex parte convéntus ejúsdem monastérii dúximus præsentándum, humiliter postulánte a vobis, ut ipsum in Abbátem dicti monastérii dignémini ordináre.

Tunc Pontifex interrogat eos, dicens :

Scitis illum esse dignum?

R. Scimus, et testificámur ipsum dignum esse.

Interrogatio.

Fuit ejus eléctio canónice, et concórditer celebráta?

R. Fuit.

Pontifex dicit : Deo grátias.

Quo dicto, surgunt omnes, et sedent in suis scabellis, et Pontifex prosequitur examen, dicens : Antiqua sanctorum Patrum, etc. et omnia alia fiunt, prout supra, 142. in benedictione Abbatis auctoritate Apostolica posita sunt.

Finito examine, et manu Pontificis per Electum osculata, idem Electus ante Pontificem genuflexus, coram se tenens schedulam scriptam, et suo pendentem sigillo sigillatam, debitæ fidelitatis juramentum Pontifici, Ordinario suo, præstat in hunc modum.

Ego **N.** monastérii **N.** ordinándus Abbas promitto coram Deo, et Sanctis ejus, et hac solémni fratrum congregatióne, fidelitatem, dignamque subjectionem, obedientiam, et reverentiam matri meæ Ecclesiæ **N.**, nominando Ecclesiam cujus jurisdictioni ordinariæ subjectus existit, tibi que **N.** Dómino meo, ejúsdem Ecclesiæ Patriarchæ, vel Archiepiscopo, aut Episcopo, et successoribus tuis, secundum sacrórum Cánonum instituta, et prout præcipit inviolabilis auctoritas Pontificum Romanórum.

Deinde librum Evangeliorum, quem Pontifex super genua sua tenet apertum, inferiori parte ejusdem libri Electo versa, quem ipse Electus, ambabus manibus supra scripturam positus, tangit, dicens :

Sic me Deus adjuvet, et hæc sancta Dei Evangelia.

Tum schedulam ipsam Pontifici tradit; qui illa recepta et mitra deposita, surgit, et facit Confessionem, et proceditur in omnibus, et per omnia prout supra ordinatum est. 143.


DE BENEDICTIONE ABBATISSÆ.

ELECTA in Abbatissam, et confirmata, benedici debet in die Dominico, vel aliis, quibus consecrantur virgines, si non est prius consecrata, et velata; alioquin fieri potest qualibet die; hoc modo: Pontifex paratus omnibus Pontificalibus ornamentis apud altare majus paratum cum sua credentia, et rebus consuetis procedit in Missa usque ad Allelúia, si dicitur; sive ultimum Versum Tractus, vel Sequentiæ exclusive. Interim, Electa in veste sua audiat Missam in choro quæ dici debet de die, cum Collecta pro Electa, sub uno Per Dóminum, ut infra, Pontifice celebrante.

ORATIO.

DA, quæsumus, Dómine, huic fámulæ tuæ, quam virginitatis honóre dignátus es decoráre, inchoáti óperis consummátum efféctum, et ut perfectam tibi offerat plenitudinem, initia sua perdúcere mereátur ad finem. Per Dóminum nostrum Jesum Christum Filium tuum, qui tecum vivit et regnat in unitate Spíritus sancti Deus, per ómnia sæcula sæculórum. **R.** Amen.

Dicto Graduali, seu Tractu, vel Sequentia, usque ad ultimum Versum exclusive, Pontifex accedit ad faldistorium ante medium altaris, et ibi sedet cum mitra. Electa vero e monasterio egressa, associata a duabus matronis senioribus, ac velo ante faciem demisso, Pontifici præsentata, coram eo genuflexa, in manibus habens schedulam scriptam, et suo pendenti sigillo sigillatam, debitæ fidelitatis juramentum præstat Pontifici suo ordinario, in hunc modum :



Ego N. monasterii N. ordinanda Abbatisa promitto coram Deo, et Sanctis ejus, et hæc solènni sororum congregatióne, fidelitatem, dignamque subjectionem, obedièntiam, et reverèntiam, matri meæ Ecclesiæ N., nominando Ecclesiam, ejus jurisdictioni ordinariæ subjecta existit, tibi que N. Dómino meo, ejusdem Ecclesiæ Patriarchæ, vel Archiepiscopo, aut Episcopo, et successoribus tuis, secúndum sacrórum Cánonom

instituta, et prout præcipit inviolabilis auctóritas Pontificum Romanórum.

Si vero fuerit exempta, ita præstabit juramentum :

Ego N. monasterii N. ordinis Sancti N. diocesis N. ab hac hora in ántea, fidelis, et obédiens ero beáto Petro Apóstolo, sanctæque Románæ Ecclesiæ, et Dómino nostro Dómino Papæ N. N. suisque successoribus canónice intrántibus, et tibi, vel pro tēpore existènti meæ religiõnis Superióri, secúndum régulam sancti Patris nostri N. et prædicti Ordinis constitutiões.

Deinde librum Evangeliorum, quem Pontifex super genua sua tenet apertum, inferiori parte ejusdem libri Electæ versa, quem ipsa Electa, ambabus manibus supra scripturam positus, tangit, dicens :

Sic me Deus ádjuvet, et hæc sancta Dei Evangélia.

Tum schedulam ipsam Pontifici tradit, qui surgit cum mitra, et súper faldistorium proecumbit. Electa vero prosternit se super tapete ad ejus sinistram; et chorus dicat Litanias prout supra. 35. in quibus eum dictum fuerit :

Ut ómnibus fidelibus, etc.

R. Te rogámus audi nos.

Pontifex surgit cum mitra, et baculum Pastoralem in sinistra tenens, versus ad Electam dicit :

Ut hanc præsentem Eléctam bene ✠ dicere dignéris.

R. Te rogámus audi nos.

Deinde dicit :

Ut hanc præsentem Eléctam bene ✠ dicere, et sanctificáre dignéris.

R. Te rogámus audi nos.

Tum iterum proecumbit, et perficiuntur Litanie; quibus finitis, surgit Pontifex, Electa adhuc prostrata

manente; et stans versus ad illam, deposita mitra, dicit :

Pater noster, etc.

- Ÿ. Et ne nos inducas in tentationem.
 R. Sed libera nos a malo.
 Ÿ. Salvam fac ancillam tuam, Dómine.
 R. Deus meus sperántem in te.
 Ÿ. Mitte ei, Dómine, auxilium de sancto.
 R. Et de Sion tuere eam.
 Ÿ. Hæc accipiet benedictionem a Dómino.
 R. Et misericórdiam a Deo salutári suo.
 Ÿ. Memor esto congregatiónis tuæ.
 R. Quam possedisti ab initio.
 Ÿ. Dóminus custódiat intróitum tuum, et éxítum tuum.
 R. Ex hoc nunc, et usque in sæculum.
 Ÿ. Dóminus custódiat te ab omni malo.
 R. Custódiat ánimam tuam Dóminus.
 Ÿ. Dómine Deus virtútum, convérte nos.
 R. Et osténde fáciem tuam, et salvi érimus.
 Ÿ. Dómine, exáudi orationem meam.
 R. Et clamor meus ad te véniat.
 Ÿ. Dóminus vobíscum.
 R. Et cum spírítu tuo.

OREMUS.

CONCEDE, quæsumus omnipotens Deus, afféctui nostro tuæ miseratiónis efféctum; et hanc fámulam tuam, quam ad régimen animárum eligimus, grátie tuæ dono proséquere; ut, te largiénte, cum ipsa tibi nostra electiône placeámus. Per Christum Dóminum nostrum.
 R. Amen.

OREMUS.


CUNCTORUM bonórum institútor Deus, qui per Moysen fámulum tuum, ad gubernándas Ecclesiás præpósitos

instituísti, tibi súpplices fúndimus preces, teque devótis méntibus exorámus; ut hanc fámulam tuam, quam commúnis eléctio famulárum tuárum Abbatíssam óvium tuárum esse constitúit, protectiÓnis tuæ grátia munire dignéris; sicque régere súbditas, commendátasque oves concédas, ut cum illis ómnibus regna cœlórum adipiscátur; quátenus te, Dómine, opitulánte, apostólicis júgiter fulta doctrínis, centésimo cum fructu læta intróeat portas paradisi, atque a te, Dómine, collaudánte audire mereátur: Euge serve bone, et fidélis, quia in pauca fuísti fidélis, super multa te constitúam, intra in gáudium Dómini tui. Quod ipse præstáre dignéris, qui vivis et regnas Deus, in sæcula sæculórum.
 R. Amen.

His dictis, Electa surgit, et ante Pontificem genuflectit, qui prosequitur, manus ante pectus extensas tenens, dicens :



PER omni-a sæ-cu-la sæ-cu-lo-rum. R. A-men.




Ÿ. Do-mi-nus vo-bis-cum. R. Et cum spi-ri-tu



tu-o. Ÿ. Sur-sum cor-da. R. Ha-be-mus ad




Do-mi-num. Ÿ. Gra-ti-as a-ga-mus Do-mi-no



De-o no-stro. *R̄*. Dignum et ju-stum est.



Ve-re dignum et ju-stum est, æquum et sa-



lu-ta-re, nos ti-bi sem-per, et u-bi-que



gra-ti-as a-ge-re, Do-mi-ne sancte, Pa-ter



o-mni-po-tens, æ-ter-ne De-us, af-flu-en-tem



spi-ri-tum tu-æ be-ne ✠ di-cti-o-nis su-per



hanc fa-mulam tu-am, no-bis o-ran-ti-bus, pro-



pi-ti-us in-fun-de.

Pontifex imponit ambas manus extensas, digitis tamen non disjunctis, super caput Electæ, et eas sic tenet, prosequendo :



Et quæ per no-stræ ma-nus im-po-si-ti-o-nem



ho-di-e Ab-ba-tis-sa con-sti-tu-i-tur, sancti ✠ fi-



ca-ti-o-ne tu-a di-gna, a te e-le-cta per-ma-



ne-at; et numquam post-mo-dum a tu-a gra-



ti-a se-pa-re-tur in-di-gna.

*Pontifex amovet manus de capite Electæ, prosequens
ante pectus eas extensas tenens :*



Sus-ci-pi-at, te Do-mi-ne lar-gi-en-te, ho-di-e



in ho-no o-pe-re per-se-ve-ran-ti-am, in ad-




ver-sis constan-ti-am, in tri-bu-la-ti-o-ni-bus



to-le-ran-ti-am, in je-ju-ni-is de-si-de-ri-um,



in im-pi-e-ta-ti-bus mi-se-ri-cor-di-am, in



hu-mi-li-ta-te prin-ci-pa-tum, in su-per-bi-a




o-di-um, in fi-de di-le-cti-o-nem, in do-



ctri-na per-vi-gi-lan-ti-am, in ca-sti-ta-te con-



ti-nen-ti-am, in lu-xu-ri-a abs-ti-nen-ti-am,




in va-ri-e-ta-ti-bus mo-de-ra-ti-o-nem, in



mo-ri-bus do-ctri-nam. Te au-xi-li-an-te, Do-mi-ne,



ta-lis in hoc mi-ni-ste-ri-o per-se-ve-ret, qua-lis



le-vi-ta e-le-ctus ab A-po-sto-lis sanctus Ste-